

醫宗撮精卷四

古吳薛 已立齋著

携李黃承晃履素評輯

脾肺腎虧損遺精白濁吐血便血等症

遺精有四有用心過度心不攝腎而致者有因色慾不遂精氣失位輸精而出者有色慾太過滑泄不禁者有年壯氣盛久無色慾精氣滿溢者有小便出多不禁者或不出小便而白出或莖中出而痒痛常如欲小便者宜辰砂妙香散或威喜丸大

醫案 卷四
抵調補元氣爲主聖人教人收心養性厥有旨哉
汪少宰頭暈白濁余用補中益氣加茯苓半夏愈
復患腰痛用山藥山茱五味草薢遠志頓愈又因
勞心盜汗白濁以歸脾湯加五味而愈後不時眩
暈用八味丸全愈

陳石鏡久患白濁發熱體倦用補中益氣加炮薑
四劑白濁稍止再用六味兼服諸症悉愈

柴光祿因勞患赤白濁用濟生歸脾十全大補二
湯間服而愈

赤白濁之症若脾肺虛熱者用補中益氣湯送六
味丸肺腎虛熱者用黃芩清肺飲送六味丸肝腎
虛熱者加味逍遙散送六味丸勞傷心腎者清心
蓮子飲鬱結傷脾者歸脾湯若鬱怒傷肝脾者加
味逍遙散若心腎虛弱者小溫金散若思慮傷心
腎者茯兔丸夢遺精滑赤白二濁治法當互參用
之

張檢齋陰囊腫痛時發寒熱若小腹作痛則莖出
白津用小柴胡加山梔龍膽草茺莖芍歸而愈

醫方摘要 卷四 二
一男子莖中痛出白津小便秘時作痒用小柴胡
加山梔澤瀉炒連木通膽草茯苓二劑頓愈又兼
六味而痊

予少時患白濁醫者投以通利之類並未有
令服益氣湯地黃丸者有一單方用黃柏二
兩煎湯頓服之豈不大傷元氣從今追思令
人寒心予病此百藥不効聽其自衰而愈

一儒者患此兼脚跟作痛口乾作渴大便乾燥午
後熱甚用補中益氣加芍藥玄參并加減八味丸

而愈

朱工部勞則遺精齒牙卽痛用補中益氣加半夏
茯苓芍藥并六味丸漸愈更以十全大補加麥門
五味而痊

一男子白濁夢遺口乾作渴大便閉澀午後熱甚
用補中益氣加芍藥玄參并加減八味丸而愈

一男子發熱便血精滑 一男子尿血發熱 一

男子發熱遺精或小便不禁俱屬腎經虧損用地
黃丸益氣湯以滋化源並愈

醫宗指掌 卷四
以前三條俱係夢遺遺精之類

夢遺精滑之症屬足三陰虧損所致蓋腎主閉藏
肝主疎泄若肝腎虛熱者用四物加柴胡山梔山
茱萸山藥或用六味丸加味逍遙散脾胃氣虛者
用補中益氣加山茱萸山藥思慮傷脾者兼用歸
脾湯加山茱萸山藥肝腎虧損者六味丸真陽虛敗
八味丸心腎不交用草薢分清飲心氣虛熱者清
心蓮子飲若腎氣不足用益志湯金鎖正元丹脾
虛熱者用六味丸補中益氣湯凡此悉屬不足之

症亦可用十全大補湯或革薺分清飲送八味丸
世人遺精之症少而夢遺之症多夢遺之病
原不一然大較心腎二經之候故士人患此
者尤多凡心火亢盛則相火隨動而夢遺斯
頻清其心而涼其腎所以治其標交通其心
腎乃所以治其本舍此而議所以澁之止之
非徒無益而又害之矣先大夫少時極苦此
病先大夫爲舉子時功名心至急每至臨場
無夜不遺百治不効迨場畢卽稀及發解後

愈稀至登第後則大稀矣予少亦苦此至僥倖後亦遂稀疎要知此症大半屬心非可獨責於腎也凡人少年多患此迨年漸高則漸稀則知此症全屬火旺故火衰則自減也

大都夜卧太煖則遺陽道著物則遺睡次側卧縮一足勿使著物則可免先大夫臨塲多遺無法可治將所臥床席鑿一大孔以防夜睡著物及發解武林居停親戚到主家稱喜特看解元書室見床席間大竅無不驚怪捧

腹云 不夢而遺謂之遺精予三十二歲會

患之龜頭時有精微微流出晝夜常然予初
時驚懼特甚人身幾許精血而堪此涓涓不
絕乎高明醫者慰予無害但勿服泄藥予病
以慢服附子得之知是火症勸予涼補而勿
熱補仍服六味地黃丸加沙苑蒺藜兔絲子
及炒黑黃柏少許等藥將此病付之度外莫
置諸懷如常將理凡兩年而始全愈龍骨牡
蠣金櫻子等藥泛未入口蓋人身中惟氣血

周流斯得快暢豈可澁之使滯雖得暫効貽
害寔深患者審之予初有惧心及兩年間應
酬如常絕無倦怠豈此精與交媾之元精不
同故無大害耶

一男子年踰二十漸衰太早夢遺精滑睡則盜汗
唾痰見血足熱痿軟服黃柏知母之類余曰此陽
虛陰弱也當滋其化源不信恪服之前症益甚其
頭漸大顙門漸開視物皆大吐痰叫喊余以如法
調補諸症漸退頭顙漸欽而安

一男子鰥居數年素勤苦勞則吐血發熱煩躁服犀角地黃湯氣高而喘前病益盛更遺精白濁形體倦怠飲食少思脉洪大舉按有力服十全大補加麥門五味山茱山藥而愈

楊啟元素勤苦吐血發瘕不知人事余以爲脾腎虛損用十全大補湯及加減八味丸而瘕愈再用歸脾湯而血止

一童子年十四發熱吐血余謂宜補中益氣以滋化源不信但用寒涼降火愈甚始謂余曰童子未

室何腎虛之有參芪補氣奚爲用之余述丹溪云
腎主閉藏肝主疎泄二臟俱有相火而其系上屬
於心心爲君火爲物所感則易於動心動則相火
翕然而隨雖不交會其精亦暗耗矣又精血篇云
男子精未滿而御女以通其精則五臟有不滿之
處異日有難狀之疾遂用補中益氣及地黃而瘥
一男子吐血熱渴痰盛盜汗遺精咳嗽用地黃丸
料加麥門五味治之而愈後因勞怒忽吐紫血塊
先用花蕊石散又用獨參湯漸愈後勞則咳嗽吐

血一二口脾肺腎三脉皆洪數用補中益氣六味
丸而全愈

一男子吐血遇勞卽作余以爲勞傷肺氣血不歸
源與補中益氣加麥門五味山藥熟地茯神遠志
服之而愈

辛丑夏余在嘉興屠內翰第遇星士張東谷談命
時出中庭吐血一二口云久有此症遇勞卽作余
意此勞傷肺氣其血必散視之果然與補中益氣
加麥門五味山藥熟地茯神遠志服之而愈翌早

醫宗金匱 卷四
請見云每服四物黃連山梔之類血益多而倦益甚余得公一七吐血頓止神思如故曰也余曰脾統血肺主氣此勞傷脾肺致血妄行故用前藥健脾肺之氣而嚔血歸源耳後率其子以師余余曰管見已行於世矣予宜覽之

昔時治吐血者皆言犀角地黃湯近世醫家亦多言此症不宜以寒涼遏之治法稍稍異矣有言此病只須服地黃丸者予亦曾聞之至兼用益氣湯則先生之獨見而時師不敢

措手者也人謂此症係血熱妄行但知求端
於陰血而不知陰陽互爲其根此非兩截不
相關者先生深明此理故每兼用此湯以取
效若十全湯內有桂血因熱而吐反用熱藥
時師必爲吐舌此則先生灼見二男子素勤
苦診得病因在脾胃故毅然用十全湯而不
疑若非此脉因尚須斟酌不可輕用者也花
蕊石散止血止後補以獨參湯此古時定法
先生用以治吐紫血塊者學者試精心思之

諸條但言吐血而不分吐咳咯唾諸症想皆非欬咯等病也予少覽方書云諸血症惟欬血爲最重難治蓋此症乃肺病因火尅金故痰帶血而從欬出亦有痰中見血如縷者其粉紅色狀似肺者不可治後見醫者談此症亦言最爲難治較之大吐更甚予弱冠時傷風後忽然患此不勝驚疑遂成大病受累二三十年予此症乍發乍愈後以爲常不甚寘諸懷及觀親友中患此者頗多皆不至殞